

Ua Toefuatai Mai Ki o le Perisitua i totonu o le Malumalu o Katelani

Gaoioiga Suesue A

MATAUPU FAAVAE MA FEAGAIGA 110:11

Na toefuatai mai e Mose ki o le “faapotopotoina o Isaraelu” (Mataupu Faavae ma Feagaiga 110:11). O ki o le faapotopotoina e faatagaina ai na auauna o loo umiaina lenei pule e talai atu ai le talalelei toefuataiina a Iesu Keriso i atunuu o le lalolagi.

Na folafola mai e Peresitene Russell M. Nelson:



Pe a tatou talanoa e uiga i le faapotopotoina o Isaraelu i itu uma e lua o le veli, o le mea moni o loo tatou faasino atu i le galuega faafaifeautalai, malumalu, ma talafaasolopito o aiga. O loo tatou faasino atu foi i le fausiaina o le faatuatua ma le molimau i loto o i latou o loo tatou ola faatasi, galulue, ma auauna i ai. (Russell M. Nelson, “Ia Faamuamua le Atua,” *Liahona*, Nov. 2020, 92.)

- E mafai faapefea ona e fesoasoani e fausia le faatuatua ma le molimau i loto o i latou e te mafuta i ai i aso taitasi?
- Sa faapefea ona aafia lou olaga po o le olaga o se tasi e te iloa e le aapa mai o le Alii ia i tatou e ala i le galuega faafaifeautalai?

Gaoioiga Suesue E

MATAUPU FAAVAE MA FEAGAIGA 110:12

Na tuuina mai e Elaia “le tisipenisione o le talalelei a Aperaaamo” (tagai i le Mataupu Faavae ma Feagaiga 110:12). E aofia ai le toefuataiga o le feagaiga faa-Aperaaamo.

Na faamatala mai e Peresitene Russell M. Nelson:



O le feagaiga na osia e le Atua ma Aperaaamo . . . sa i ai ni folafolaga eseese, e aofia ai . . . le faamanuiaina o malo uma o le lalolagi e ana fanau. . . .

. . . Ua tatou maua ai, e pei foi o i latou o anamua, le perisitua paia ma le talalelei e faavavau. O loo ia i tatou le aia tatau e maua ai le atoatoaga o le talalelei, olioli i faamanuiaga o le perisitua, ma agavaa ai mo faamanuiaga silisili a le Atua—o le ola lea e faavavau. (Russell M. Nelson, “Feagaiga,” *Liahona*, Nov. 2011, 87–88)

- O a nisi o auala o loo faamanuiaina ai e le Alii tagata taitoatasi, aiga, ma malo e ala i Lana talalelei ma Lana perisitua?
- O a faamanuiaga mai le Alii o loo e oo i ai e ala i Lana talalelei ma Lana perisitua?

Gaoioiga Suesue I

MATAUPU FAAVAE MA FEAGAIGA 110:13-16

Na toefuatai mai e Elia ki o faamauga, lea e aofia ai le pule e faamaufaailoga faatasi ai aiga i le malumalu.

Na faamatala mai e Elder Gary E. Stevenson o le Korama a Aposetolo e Toasefululua e faapea:



O ki o faamauga na toefuatai mai e le perofeta o le Feagaiga Tuai o Elia ua mafai ai sauniga o loo faia i totonu o malumalu paia. O sauniga e faatinoina i nei malumalu ua mafai ai e tagata taitoatasi ma aiga ona toefoi atu i le afioaga o o tatou matua faalelagi. (Gary E. Stevenson, "O Fea o I Ai Ki ma le Pule o le Perisitua?" *Liahona*, Me 2016, 31)

- O a nisi o auala e faamanuiaina ai i tatou e le Alii e ala i galuega faalemalumalu ma faamauga?
- Ua faapefea ona faamanuiaina e le Alii, pe mafai faapefea ona Ia faamanuiaina, oe ma lou aiga e ala i sauniga o le malumalu?